



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (K&P)
SETIAUSAHA AKHBAR**

11 SEPTEMBER 2019 (RABU)



**KERATAN AKHBAR
DAN MEDIA ONLINE
(KPDNHEP)**

11 SEPTEMBER 2019 (RABU)

1,631 tudung tiruan dirampas

ALOR SETAR 10 Sept. - Sebuah premis di Jalan Langgar di sini yang selama ini mengaut keuntungan dengan meniaga tudung berjenama Bawal Exclusive disyaki tiruan berputih mata selepas diserbu pihak berkuasa, hari ini.

Dalam serbuan itu, anggota penguat kuasa dari Bahagian Kementerian Perdagangan Dalam Negeri dan Hal Ehwal Pengguna (KPDNHEP) negeri merampas sebanyak 1,631 helai tudung Bawal Exclusive yang dianggarkan bernilai RM24,465.

Ketua Pegawai Penguat kuasa KPDNHEP negeri, Omar Ismail berkata, kesemua rampasan bernilai RM24,465 itu dilakukan selepas pihaknya menerima maklumat dan aduan daripada pemilik cap dagang berkenaan.

Menurutnya, pemeriksaan kira-kira pukul 12 tengah hari ini di premis borong itu mendapati kesemua tudung tersebut menggunakan perihal dagangan palsu yang diedarkan di seluruh negara.

"Pemeriksaan bersama wakil pemilik dagang mendapati kualiti kain dan batu perhiasan yang dijual pihak tersebut berbeza dengan produk asli yang dikeluarkan syarikat yang mempunyai cap dagang.

"Malah, harga yang dijual pemilik premis terbabit juga antara RM10 hingga RM15 se-



OMAR ISMAIL (tengah) bersama pegawai dan anggota KPDNHEP Kedah menunjukkan tudung jenama Bawal Exclusive tiruan yang dirampas dalam serbuan di Alor Setar, semalam.

helai yang jauh berbeza dengan barangan asli iaitu bermula RM50 hingga puluhan ribu ringgit," katanya dalam sidang akhbar di sini hari ini.

Omar berkata, seorang pekerja wanita berusia 28 tahun turut dipanggil untuk diambil keterangan sebelum dibebaskan bagi meneruskan siasatan lanjut.

Katanya, kes disiasat di bawah Seksyen 8(2)(c) Akta Perihal Dagangan 2011 kerana mempunyai dalam milikan, jagaan atau kawalannya untuk membekalkan apa-apa barang yang baginya suatu perihal da-

ganggan palsu digunakan.

"Bagi kesalahan pertama melibatkan pertubuhan perbadanan, denda yang dikenakan tidak melebihi RM15,000 bagi setiap barang yang diletakkan perihal dagangan palsu.

"Manakala, bagi individu atau bukan pertubuhan perbadanan, mereka boleh didenda sehingga RM10,000 bagi setiap barang atau penjara sehingga tahun atau kedua-duanya untuk kesalahan pertama serta denda RM20,000 atau penjara sehingga lima tahun atau kedua-duanya bagi kesalahan seterusnya.

Tudung bawal tiruan dirampas

**KPDNHEP
Kedah rampas
1,631 unit
tudung bawal
tiruan bernilai
RM24,465**

WAN MOHD NOOR HAFIZ
WAN MANSOR

ALOR SETAR

Sebanyak 1,631 unit tudung bawal tiruan bernilai RM24,465 dirampas di sebuah premis pemborong tudung di Jalan Langgar, Alor Setar dalam Ops Barang Tiruan semalam.

Operasi dilakukan selepas menerima aduan pe-

milik asal tudung berkenaan yang juga mempunyai cap dagang tudung itu.

Ketua Pegawai Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) Negeri Kedah, Omar Ismail berkata, tudung tiruan itu dijual pada harga serendah RM10 sehingga RM15 sehelai.

"Seorang pekerja wanita di kedai tersebut yang berumur 28 tahun ditahan untuk siasatan.

"Dipercayai tudung yang diciplak daripada jenama terkenal itu juga sudah mula dijual di beberapa kedai lain," katanya pada sidang media di sini semalam.

Difahamkan, tudung bawal tulen dijual pada harga bermula RM57



Omar (tengah) menunjukkan antara tudung bawal tiruan yang dirampas di sebuah premis pemborong tudung di Jalan Langgar, Alor Setar semalam.

sehingga mencecah puluhan ribu ringgit sehelai.

Omar berkata, rampasan tudung itu adalah kali pertama di negeri ini dan

akan disiasat di bawah Seksyen 8(2)(c)APD 2011.

"Risikan awal pederar tudung tiruan itu sudah pun beroperasi sekian lama dan mereka bertukar-tukar

menjual tudung tiruan jenama terkenal mengikut permintaan pasaran.

"Tudung tiruan yang dirampas ini dipercayai sudah mula dijual sejak dua

**Tudung
tiruan
yang dirampas
ini dipercayai
sudah mula
dijual sejak dua
minggu lalu."**

- Omar

minggu lalu," katanya.

Beliau mengingatkan pengguna supaya tidak membeli atau menggunakan barang tiruan kerana menjejaskan perniagaan pemilik sebenar tudung, selain kualitinya yang rendah.

Omar turut meminta kerjasama orang awam bagi membanteras kegiatan penjualan barang disyaki palsu atau menggunakan perihal dagangan palsu.